

تاریخ عثمانی انجمنی

مجموعہ سی

ایک آیدہ برنسر اولتور

مندرجات

طوبقبو سرای مایونی عبدالرحمن
پیلوغرافیا (آمیدا) خلیل ادہم
وفیات (صرحوم شکری بک) صفوت
روم سلجوق دولتک انقراضیلہ تشکیل ایدن طوائف مالوک (مابعد) . احمد توحید
تفرقہ : تاریخ سلطان محمد ثانی . مؤلفی قریشو و ولوس . مترجمی قارولیدی .

فیثانی و غروش

استانبول

مکتبہ عثمانیہ

طبع و نشر

۱۳۲۹

قسطمونی وسینوبده اسفندیار اوغللری ویاخود

قزل احمدلیلر

اسفندیار اوغللری حضرت خالد بن ولید اولادندن اولدقلری ادعا ایدرلر مش . عالی دیبورکه « صحت نسب عنعنسی معلوم دکل ایدی . » فرض ایدهلم که عالی سوزنده خلف ایش و اسفندیار عالمسی بنده کی سلسله نامه تزویردن عاری بولونمشدر . عیجا اسفندیار اوغللری حضرت خالد بن ولیدک کوستردیکی بیوکلکی ارانه ایده بیلدیلمی ؟ حضرت خالد سردارلقدن عزل اولوتجه عادی بر نقر اولهرق صف جهاده داخل اولدی . اسفندیار اوغللری مجاهد فی سبیل الله اولان دولت عثمانیه تک کسر شوکتی ایچون نهر یامادیلر . افلاقلیلری علیهمزه تشویق ایندیلر . تیمورلنکه پشدار اولدیلر . بدرالدینی روم ایلییه کچیردیلر وبلا اشتباه نقداً وفعلاً معاونتده بولوندیلر . بونلر اثبات ایدرکه حضرت خالد اولادی اولوق شرفی اسفندیار اوغللری احراز ایدمه مشلردر . شجاع الدین سلیمان پاشا ایله اوزون اوزادی به مکلمده بولونمش اولان سیاح مشهور ابن بطوطه عیجا نیچون بونلرک خالد بن ولید اولادندن اولدقلری یازمیور . اسفندیار اوغللری تک اولاد عربدن اولدقلری ادعای صحیح اوله بیله مرور زمانله ترکانشلردر . مأخذ ذکر ایدلیهرک بعض مؤرخینک اقواله عطفاً طائفة اکراددن اولدقلری قیدی ده مشاهر اسلامده مندرجدر . بوروایت پک ضعیف اولمایدر .

اسفندیار اوغللری اعمارات مدینتپورورانهده بولونه ماشلردر .

۱ - امیر شمس الدین تیمور جاندار

بوخاندانندن صحایف توارینجده اسمی ایلك دفعه اولهرق کوریلان تمر یعنی تیمور جانداردر .

منجم باشی احمد افندیك تحریرینہ نظر آ ۶۹۰ ویکی جامع کتب خانہ سندہ بولونان تذکرہ اقسریانی بہ کورہ ۶۹۱ تاریخندہ قونیہ سلجوقی سلطانلرندن عزیزالدین یکاوس نائینک مخدوملرندن قلیج ارسلان قریمدن آناطولی بہ کچرک اوجده اعلان استقلال ایتمشیدی . اوزمان مالک رومده لفظاً حکمران اولان غیاث الدین مسعود ثانی برادرینک دفع و تنکیلنہ دامن درمیان اولمش ایدی . ایکی قرنداش آرمندہ اولان محاربہ دہ غیاث الدین مغلوب اولوب قسطمونی بکی اولان اتا بک مظفرالدین یولوق ارسلان بن الب یوروک بن چوبان دہ مقتول اولمشیدی . غیاث الدین حامیسی اولان تاتارلرک امدادینہ مظهر اولدی . ایشته بوصیرہ دہ ایلیخان کیخانو طرفندن شمس الدین تیمور قسطمونی بہ والی تعیین ایدلش ومنجم باشی بہ کورہ اسفندیار اوغلرینک ۶۹۰ سنہ سی تاریخ ظہوری بولونمشدر . شمس الدین تمر سلجوقی دولتی مأمورلرندن اولوب ایلیخان کیخانونک خدمتی قبولی ایتمشیدی یاخود طرف ایلیخاندن ایلیک دفعہ اولہرق بو طرفہ می کلش ایدی مسئلہ سی محتاج تدقیقدر مشاہیر اسلامدہ و بعضلری سلجوق دولتی دور اعتلاسنده برخیلی خدمتلر دہ قوللانلرقلرینی نکاشتنہ صحیفہ اخبار ایدیورلرہ ، دہ محرردر ، بو روایت صحیح ایسہ شمس الدین تمر دولت متبوعہ سنہ خیانت ایتمش و کیخانو کی برظالمہ معاونتدہ بولمش اولقلہ دہ لککاتور . شمس الدین تمر نہ وقت ارتحال ایتشد و نزہدہ مدفوندر حصوصاتی حقتدہ معلوماتہ دسترس اولامادم .

۲ - شجاع الدین سلیمان پاشا بن تمر

شمس الدین تمر جاندارک و قاتندہ برینہ اوغلی سلیمان پاشا قائم اولمشدر . سلیمان پاشا افلوغان (افلائی) دہ تیمارلو سپاہی منزله سندہ ایکن باشنہ طوبلادینی سرسریلرلہ برکیجہ علی الغفلہ قسطمونی بہ هجوم ایدوب آل چوبانندن محمود بکک سراچی باصدینی - سلطان مراد خان ثانی نامنہ یازیبی اوغلی علی نام ذات طرفندن یازیلان و در دست طبع اولان -

سلجوق نامده شوبله حکایه اولونیور : « بو تاریخده جاندار اوغلی که قسطنیونیه نك اوج یوز الشمس الی سپاهیلرندن برییدی کوردی که روم سلجوقیلردن خالی اولدی و او جلرده هر طرفدن، طوران بکلر باشلو باشنه بک اولوب یلده تاتاره برسهل نسه کوندرلر و برلو یرنده حکم ایدرلر اولداخی افلوغان طرفده که تیماری آنده ایدی ترکلر دیوشوروب چری ایدینوب قسطنیونیه جیقدی و برکیجه علی الفغله قسطنیونیه سوباشین بولق ارسلان اوغلی محمود بکوک سراخی اورتیه آلوب (محاصره) محمود بکی طوتدی و فی الحال مجال و یرمه یوب دبه لدی قسطنیونیه و بورغلو (زعفران بولی) قلعه سنی اول زمانده ذالبقره دیرلردی آلدی . »

سلیمان پاشانک موقع امارته کلدی بکی نه معلوم دکله ده ۲۶ محرم ۷۰۹ سنه سنده نامه محمود بن مسعود بن صلح الشیرازی طرفندن فارسی اوله رق احیاء العلوم دن برمتخب یازلاسه نظراً سنه مذ کوره دن اول موقع اقتداره کلش اولدی اکلشیلپور امیر سلیمان پاشایه تقدیم اولنان نسخه منجم باشی احمد افندی بدینه کیمش اولدینندن مقدمه سنی نقل ایدیور . محمود شیرازینک استعمال ایتدیکی تعبیراتدن تاریخ مزبورده هنوز اعلان استقلال ایتدیکی منضم اولیور . حتی اوغلی تیرناشک عصیانی یانیشدیر مق اوزره ۷۱۹ سنه سنده ممالک رومه یعنی اناطولی به کلن امیر چوبانک استقباله قوشمش و ایلخان مطاع و منقاد اولدیغنی اثبات ایتشدیر . ۷۲۵ سنه سنده قسطنیونیه ده مضروب برکوش سکه ده ابوسعید بهادر خانک نامی محردر . بوندن استدلاله نظراً سلیمان پاشا ابوسعید بهادر خان برحیات اولدجه ایلخانک اطاعتدن چیقه مامشدر ابوسعید بهادر خانک ۷۳۶ سنه سنده ارتحالندن سوکره نامنده سکه کسیدر مکه باشلامشدر . [۱]

[۱] بوسکه لردن مؤزۀ عثمانیه . یدی عدد موجوددر که مسکوکات قدیمه اسلامییه قتلوغنی قسم رابع ۴۰۱ صحیفه سنده تعریف ایتلشدیر . بوسکه لرک بر طرفنده کلمه توحید دیگر جهتنده سلیمان وزیرنده اوقونماز برکله موجوددر . بردات بو اوقونماز کلمه بی « بن دمه » قرائت ایدر ایدی . مذ کور قتلوغنک ۴۰۱ صحیفه سنده معرف ۷۹۹ نومرولی سکه اسمی اشاعیده ذکر ایدیله جک سلیمان بن بایزیدک اولالیدر .

غازی چلینک وفاتندن سوکرہ سینوب همشیره لرندن یعنی سلطان مسعود ثانی قیزلرندن برخاتون النده قالمش ایدی. اعضای معاونه انجمنندن صاروخان متصرف اسبقی محمد غالب بك افندیك قسطونئی به دائر یازمش اولدقلمری ائرده سینوبه «خاتون ایلی» نامی ویرلدیکی محرردر. سلجوق نامه به کوره سینوب عسکری بویچاره خاتونی بوغملشر. سلیمان پاشا بوفرصدن استفاده ایله سینوبی ده ضمیمه ممالکی اتمشدر.

ابن بطوطه قسطونئی به کلدیکنده سلیمان پاشا حکمران اولدیغنی وشمه قریب اوزون صقاللی صاحب وقار وهیبت برذات اولوب فقها وصلحا ایله مجالست ایتدیکنی یازیور. اداره امور حکومتی حقدنه معلومات ویریور. جمعه نمازینی ادایه عزیمت وعودت ایدرکن اجرا اولونان مراسمی بیان ایتدیکی صیرده الافندی عنوانلی بربرادری اولدیغنی یازیور اصل اسنی نه اولدیغنی سویله میور. صاحب تتبع برذات مدقق افندی عنوانی دها قدیم اولوب روم سلجوقی اکابرندن بك مرعی الخاطر اولانلره بو عنوان ویرلدیکنه بعضی آئارده مصادف اولدیغنی افاده ایتدی. ابن بطوطه سلیمان پاشانک اوج اوغلی یازیور. بونلردن اک کوچکی «الجواد» اسنده اولوب ترك عادتی وجهله ولی عهد اوله رق پدری یاننده قسطونئی ده ایدی. ایکنجیبسی برلو (زعفران بولی) امیری علی بك واوجنجیبسی ده سینوب امیری ابراهیم بك ایدی.

سلیمان پاشانک ۷۴۰ تاریخلرینه قدر برحیات اولدیغنی معلوم ایسه ده نه وقت وفات ایتدیکی وزمه دفن اولوندیغنی مجهولدر. احتمال اغلب قسطونئی ده مدفون اولماسی خصوصنده در.

۳ — ابراهیم پاشا بن سلیمان پاشا

سلیمان پاشانک وفاتیله رینه سینوبده بولونان اوغلی ابراهیم پاشا موقع امارته گلش اولدیغنی اوروپا متشرقینی اره سنده العسری شهریله

بنام اولان و ۷۴۹ سنهسی ذی الحججه سنده دمشق الشامده طاعوندن وفات ایدن قاضی شهاب الدین احمد بن فضل الله العمری « التعریف بالمصطلح الشریف » نده یازار [۱] بدرینه عصیان ایتش اولان ابراهیم امثالی مثللو چوق یشاماش اولسه کر کدر . نه تاریخ وفاته نه ده مدفته دائر معلومات ایدینه مه دم .

۴ — یعقوب بن سلیمان

اسفندیار اوغللرندن اشاغیده اسمی کله جک اولان اسماعیل بک فقهه دائر تألیف ایتدیکی حلویات نام اثرینک مقدمه سنده اجدادی میاننده امیر یعقوب نامنده برذات ذکر ایدیور . احتمال که بو یعقوب ابن بطوطه نیک الجواد نامیله ذکر ایتدیکی ذاتدر و ابراهیم پاشادن صوکره موقع اقتداره

[۱] صاحب کصطونیہ - وکانت آخر وقت سلیمان پاشا وکان امیراً کبیراً کثیرالعدد موفور المدد ذاهبتاً وتمتع ثم مات وورثت ملکه ابنة ابراهیم شاه وکان عاقلاً لایة خارجاً عن مرضیه وکان فی حیاته منفرداً بملکة سنوب وهی الآن داخله فی ملکة ومنخرطة فی سلکة . و رسم المکاتبه الیه : ادام الله نعمة المجلس العالی الامیری باکل الاقواب و اتم ما یکتب فی هذا الباب . صحیفه ۴۱ مصرطیبی ۱۳۱۲ ابن فضل الله العمری « مالک الابصار فی ممالک الامصار » نام اثرنده بو عائله نیک مصر حکمدار لر یله مناسبات سیاسیّه ده بولندقلرنی وایلچیلری مصره کلدکلرنی و طرفیندن محابرات اکیک اولادینفی و ملک ناصر محمد بن قلاونک تحت حمایتنه کیردیکنی بیان ایدیور . کتاب مذکور مندرجاتنه نظراً قسطونی امارتک تحت تابعیتنده قرق قدر شهر و قاسبه موجود اولوب عند الحاجه یکریمی بیس ، اوتوز بیک بلکه دها فضله سوازی جیقاره ییلیر ایتش . قسطونی حوالینده بیتش انلری پک ثنا ایدیور .

مالک الابصارک بیاناته استناداً دهبیلورم که سلیمان پاشا ابوسعیدک وفاتندن صوکره ایلخانیلری طایمانمه باشلامش وایجابی حالنده استعانه ایده ییلک اوزره مصر حکمدار لر یله مناسبات سیاسیّه ده بولونمشدر . عینی سیاسته ارتناده اتباع ایتش اولدینی بنی ارتنا بجهنده کور یله جکدره ذاتاً بییرس اول زمانندن برواناطونی ایله مصر اره سنده برمناسبت قویه پیدا اولش ایدی . ایلخانیلرک مظالمندن اوزمان صیغه جق بر مصر حکومتی ایدی .

گلشدر . بواحتالی تأیید ایدہ جک معلوماتہ وقوفی اولان ذواتک نشریاتدہ بولونمالری فن نامہ رجا اولونور .

۵ - عادل بک بن یعقوب

تاریخ کتابریٹک چوغندہ عادل بک شجاع الدین سلیمان بکک مخدومی اولق اوزرہ کوستریلیور ایسده اسماعیل بکک حلویاتدہ محرر اولدینی وجہلہ امیریعقوب نامندہ برذات مخدومی۔ حلویاتدن اوچ نسخہ کوردم اوچنددہ عادل بن امیر یعقوب بن شمس الدین بن یمن جندار دیہ یازیلیدر . شمس الدین دن سوکرہ بن « اولماسہ امیر یعقوب سلیمان پاشانک اوغلی دکل قرنداشی اولورکہ بواحتمال قویدر زیرا شمس الدین تمک عنوانیدر . مستخارک خطاییلہ تمر (تیمور) یمن شکلی آلمشدر .

جامع الدول عادل بک اسمی کبی عادل اولدیقتدن بحث ایدیور . عادل بکک ۷۴۶ دن ۷۸۵ سنہ قدر حکمران اولدینی غالب بک مرحوم « تقویم مسکوکات سلجوقیہ » شدہ یازیور ایسده بو سنہ لردہ سہو اولہ کرکدر .

۶ - یازید بن عادل

عثمانلی تاریخلرنده کوتورم یازید تسمیہ اولونان ذاتدر دولت عثمانیہ ایلہ یازید واخلافی آرمندہ تحدث ایدن محاربات عثمانلی تاریخی قسمندہ برتفصیل یازیلہ جفتدن بورادہ آنلردن بحث ایدلیہ جکدر . عثمانلیلرلہ کوتورم یازید آرمندہ کی خصومت سلطان خداوندکار زمانندن باشلار .

۷۸۲ دن ۸۰۱ تاریخنہ قدر سیواس وقیصری حوالیندہ حکومت ایتش اولان قاضی برهان الدین احمدک تاریخ خصوصیتی اولان بزم ووزم نام اثرندہ عزیز بن اردشیرالاسترا بادی نک تحریر ایتدیکی تفصیلاتک خلاصہ سی بروجہ زیر عرض ایدہیم .

برهان‌الدینک رقابندن حاجی شادکلندی پاشانک قتل اوزرینه
 اماسیه امارتنه کچن اوغلی امیر احمد قاضی برهان‌الدیندن اخذ نارا ایچون
 قسطمونی امیری کوتورم بایزیددن استمداد ایتمش ایدی . بایزید، اوغلی
 اسفندیارله امیر احمده بر قوه امدادیه کوندردی . فقط برهان‌الدین اولا
 امیر احمدی ثانی امیر احمدله برلشن قسطمونی عسکرینی مغلوب ایتدی .
 ۷۸۵ بو صیرهده بایزیدک دیگر اوغلی سلیمان پاشا پدیرینه عاصی اولدی .
 سلطان مراد خداوندکاره التجا ایتدی . بایزید برهان‌الدینله صلح اولوب
 قسطمونی استخلاصه کیتدیسهده مغلوباً سینوبه کلدی . واوراده ارتحال
 ایتدی ۷۸۷ کوتورم بایزیدک قبری سینوبه علاه‌الدین جامع شریفی
 یاننده کی تره‌ده در .

۷ - ایکنجی سلیمان پاشا بن بایزید

۷۹۵ - ۷۸۷

بزم ورزنده محرر اولدیفنه کوره ملک مثله‌سندن طولای سلیمان
 پاشا برادری اسکندری قتل ایتدی و دولت عثمانیه‌یه التجا ایله‌دی .
 کوتورم بایزید اسکندری چوق سودیکندن بونک قاتنه بدل اوله‌رق
 کندی قیزی و سلیمان پاشانک همشیره‌سی اولان معصومه‌یی و سلیمان پاشانک
 قیزی، اوغلنی قتل ایتدی . نه وحشت !!! بومعصوملرک قباحتی نه‌ایدی .
 برادر و پدرلرینک جرمندن طولای نه‌دن مشول اولسونلر .
 احتمال که بومعصوملرک انتقاملرینی آلمق ایچون سلطان مراد خداوندکار
 سلیمان پاشایه معاونتده بولوندی . سلیمان پاشا قسطمونی بی ضبط ایتدی .
 خاندان عثمانی ایله صهریت پیدا ایله‌دی . کوتورم بایزید سینوبهده مقهوراً
 اولدیکندن سلیمان پاشا مستقل قالدی قوصوه محاربه‌سنه اسفندیار اوغللرینک فرقه
 مجاهدین کوندر دکلری مفصلدن تقلاً مشاهیر اسلامده مسطوردرکه بوقوه
 معاونه سلیمان پاشا طرفندن کوندرلش اوله جقدر .

یلدیرم سلطان یازید خانک ابتدای جلوسندہ قرمان، کرمان اوغلی
وسائر جوار امرا مملک عثمانیہ بہ هجوم ابتدیلر یلدیرم، سلیمان پاشایی
دعوت ابتدی انک معاوتی ایله صاروخان وایدین مملکتلری، ضبط
اولوندی .

سلیمان پاشا یلدیرم سلطان یازید خانک اناطولیدہ کی طوائف ملوکی
برر برر محو الیندن قوشقولانندی قاضی برهان الدین احمدلہ عقد اتفاق
ابتدی . یلدیرم علیہنہ برهان الدینلہ مشترکاً قرمان اوغلنہ معاونتہ کیتدیلر .
سلیمان پاشا غایت مشوش بر طریق سیاستہ سالک ایدی . نہایت یلدیرم یازید
خانلہ ابتدکی برخربدہ مقتول اولہرق قسطونوی وملحقاتی ضبط
اولوندی ۷۹۵ . موزہ ہایون عثمانی دردنجی قسم قتلوغندہ ۷۹۹ نومرودہ
معرف کہوش سکہ بوسلیانک اولمالیدر .

۸ — اسفندیار بن یازید

۸۴۳ — ۷۹۵

سلیمان پاشانک انہای حکومتدہ اسفندیار بکک نہ حالہہ بولوندیغنہ
دائر برقید تاریخی بہ دسترس اولامادم ایسہدہ مناعت موقعہ سنہ وقلعہ سنک
متانتہ مستداً سینوبدہ قالمش اولماسی احتمالی قویدر .

سلیمان پاشانک قتل اوزرینہ اسفندیار بکک سینوب حکومتدہ قالماسنہ
یلدیرم خان طرفدن موافقت کوسترلدی . اما اسفندیار بک بولطفک
قدرنی بیلمہدی تیمورلنکک پیشدار اولدی تیمورلنکک عودتندن صکرہدہ
قیز قونداشی اوغلی قرہ بیجی نامندہ برنی چلبی سلطان محمد خان علیہنہ
سوق ایتدی . دہا بعض فائقلردہ بولوندی ازجملہ موسی چلینک
قاضیمکری بدرالدینی روم ایلی بہ کچیردی بووقایمک کافسی عثمانلی تاریخندہ
تفصیل وایضاح و محاکمہ ایدیلہ جکندن بورادہ بونلردن بحث اجمیہ جکم
انجق سلطان مراد خان تانینک اسفندیار عائلسیلہ کب قرابت ایتدیکنی

ذکر ابدیم . فقط سلطان مراد خان نانینک تزوج ایتدیکی خدیجه سلطان اسفندیار بکک کریمسی دکل حفیدهسی و ابراهیم بکک قیزی اولدینی ۹۰۶ تاریخلی وقیهسندہ « خدیجه بنت الامیر الکبیر المرحوم ابراهیم بک بن اسفندیار » یازلمش اولمسیله ثابتدر . مشارالیه خدیجه سلطان بروسهدهکی قابلیجه قارشوسنده کی ترهسندہ مدفونه در . اسفندیاربک ۸۴۳ سنهسی رمضانک یکریمی ایکیسندہ وفات ایتمش اولدینی سینوبده کی ترهده بولونان سنک مزارنده مخرردر . اسفندیاربکک اوغللرندن قاسم بک دولت عثمانیه بیوک خدمتدرده بولونمشدر .

۹ - ابراهیم بن اسفندیار

۸۴۷ - ۸۴۳

سلطان مراد خان ثانی نیک قائم پدری اولان مشارالیه ابراهیم بکک زمان سلطتی چوق سورمه مش ومع مافیه صلح ایچنده کچمشدر . ابراهیم بکک مزاریده سینوبده کی ترهده در . کتابه سنک مزارنده سکزیوز قرق یدی سنهسی محرمک اوخرنده وفات ایتدیکی یازیلیدر .

۱۰ - اسماعیل بن ابراهیم

۸۶۴ - ۸۴۷

عالم وفاضل برذاتدر . قسطنونیده کوزل برجامع شریف ، برمدرسه وبرکتبخانه بنا ایتمشدر . جامع شریف مذکورک کتابهسی محمدغالب بکک افدینک سابق الذکر اثرنده مندرج اولمقله میرمشارالیهک مساعده سیله بورایه نقل ایتم .

امریناء هذه العمارة المكان المقام الاعظم العالی العالی العالمی العادلی السلطان اسماعیل بن ابراهیم بن اسفندیار خان سنه خمین وثمانیه مائه . وقیهسی غایت کوزل قلمه آلتمش اولدینی میر مشار الیه دن مرویدر .

اسماعیل بک فقہہ دائر حلو یاتی کتب معتبرہ دن ونسخہ سی متداول بر اثر درہ .
 ۸۶۴ تاریخندہ فاتح سلطان محمدخان طرفدن سوق اولونان دونما
 واردوسینوبی محاصرہ ایتدی ، وزیر حکیم محمود پاشانک ہمتیلہ اسماعیل بک
 محاصرہ نک امتدادینہ باعث اولمادی سینوبی تسلیم ایتدی . حضرت فاتح اسماعیل
 بکہ فوق العادہ حرمت ورعایت ایلہ خاطرینی تطیب ایلہدی .

اسماعیل بکہ اولابولی صوکرہ قلبہ سنجاغی ویرلدی . نفس قلبہدم
 وقلبہ جوارندہ مارقوہ چفتلکنندہ برخیلی اوقافی واردر کہ بلغارستان
 تعہدی خلافہ بو اوقاف امورینہ بر نتیجہ ویرمدی . اسماعیل بک مرد
 کامل اولدینی قرمان اوغلرینک اغوا آتہ حوالہ سمع اعتبار ایتہدیکی
 ایلہدم مبرہندر . قلبہدم وفات ایدوب بک مسجدی قربندہ مدفوندر .

۱۱ — قزل احمد بک بن ابراہیم

۸۶۶ — ۸۶۴

قزل احمد بک برادرینک سبب نکبتی اولدی فقط بک از صوکرہ
 سینوب لندن آلتدی . مورہ سنجاغی ویرلدی . بولیدہ کی اشیامی نقل
 ایتکہ مساعدہ اولنون دیہ اذن آلدی . بولیدہ کی اموالی آلدی ایسہدم
 مورہ یہ کیتہ یوب ابتدا قرمان ایلنہ بعدہ اوزون حسن ممالکنہ کیتدی .
 سلطان یازید خان ثانی زمانندہ دردولتہ التجا ایتدی . ممالک عثمانیہدم
 صرفہا اصرار حیات ایلہ ترک عالم فانی ایلہدی .

اسفندیار عالیہندن برچوق وزرا وامرا یتشمش ودولت عثمانیہ یہ
 حسن خدمتلی سبق ایتشد . بولیدہ کنفریدہ واستانبولہ آثار
 خیرہ لری واردر . انحق سلطان مرادخان ثالث مقربلرندن شمس پاشا
 بو عالیہ برشیندر .

احمد توحید

